

ORDINIS MEDICI
IN ACADEMIA VVITTEBERGENSI
H. T. DECANVS
GEORGIVS RVDOLPHVS BOEHMER

PHIL. ET MED. DOCT. ANAT. ET BOTAN. PROF. PVBL.
ET PHYSIC. PROVINC.

PANEGYRIN MEDICAM

AD D. XXII. DECEMBR. A. R. S. MDCCLXVIII

HABENDAM INDICIT

DE

NATVRALIBVS FEMINARVM CLAUSIS
QVAEDAM PRAEFATVS.



ORDINIS MEDICI
IN ACADEMIA WITTEBERGENSI
H. DEGAUS
GEORGIVS RUDOLPHVS BOEHMER
PHIL. ET MED. DOCT. ANTIQ. BOTAN. PROF. PUBL.
ET PHYSIC. PROF. INC.
P. M. DEGAUS
AD D. XXII. DECEMB. A. R. S. G. I. S. S. A. R. S.
HABENDAM INDICIT
DE
NATURALIBVS TERMINARVM CLAVSIS
QVAEDAM PRAEFATVS





OMNIS quidem humani corporis structura summam
disquirentibus delectationem parit, praecipue
autem ille mechanismus, quo partes quae-
dam solidae constringuntur et relaxantur,
clauduntur aperiunturque, quo contenta in
iisdem fluida et retinentur et emittuntur,
nunquam sine admiratione considerari, copiosamque mate-
riam ingenium aequae ac pietatis exercendi nobis suppeditare
poterit. Eiusmodi artificium non solum in musculis, vas-
is aliisque ductibus, sed illis maxime in locis, ubi valvulae
adsunt, et contentorum in et egressum dirigunt, luculen-
ter satis, eulentissime vero in partibus, generationi inser-
vientibus, animaduertimus. Curiosissimum saepe spermati-
cum humorem ascendere in proprio canali, non vero per
eiusdem finem egredi, potius vesiculas ingredi, inque ha-
rum conuolutionibus quasi quiescere, diuque, et in perpetuum
retineri, nisi porta ante clausa naturali virtute aperia-

tur, exitusque spermati concedatur; obstupescimus, dum in sexu sequiori vel arctissimas vias, ianua quasi munitas, aliquando satis amplas atque apertas deprehendimus, vel verum, minima cauitate instructum, patentem tamen, certisque periodicis sanguinem stillantem, eundem autem in graviditate insigniter expansum, ast clausum et contenta sua feliciter retinentem, tandemque exprimentem consideramus. Haec autem atque alia plura porro nunc considerare nolumus, saltem in limine huius viae subsistamus, et de pudendi muliebris vestibulo, a naturali sua conditione aberrante, et praeter consuetudinem munito atque clauso quaedam annotemus.

CONGLUTINANTUR naturalium orae in sexu feminino vel ante ipsam natiuitatem, vel in adultis demum nascitur eiusmodi morbus, idque praecipue accidit, si alius harum partium morbus, maxime exulceratio ^{a)}, praegressus fuerit. Diuersus quoque huius rei animaduertitur gradus, quandoque vrina et ipse sanguis menstruus effluere potest, in aliis vtriusque fluidi euacuatio plane cohibetur, in aliis denique vrina quidem excernitur, vaginae vteri autem orificium membrana quadam ita clausum est, vt tempore pubertatis nullus sanguinis esse possit exitus, ideoque grauissimis vexentur symptomatibus virgines. Quae differentia partim ab ipso loco, quem coalitio haec occupauit, et nunc in vtero, nunc eius vagina, nunc huius labiis existit, partim a membrana, quae has partes coniungit, quaeque vel integerrima est, vel foramine pertusa, vterius definitur. Quicumque autem sit huius rei status, semper tamen coalitio a nimia angustia distingui, illaeque feminae, quarum naturalia praeter naturam praecclusa sunt, ideoque concubitus admittere vix possunt, imperforatae siue atretae appellari solent.

SUNT quidem sexus sequioris infantes a natiuitate velatae, hymenque, ostio oppositus, ab Anatomicorum plurimis,

a) vid. HIPPOCRATES de morbis mulierum L. I. c. 68. CELSUS L. VII. c. 28.



mis, immo nunc fere omnibus, assumitur. Constituit illum membrana tenuis, quasi semilunaris, quae aliqua parte claudit et coarctat vaginae ostium, yrinae vero, sanguinisque menstrui exitum nullo modo impedit, quaeque facile variis ex causis dilaceratur, vel si ad pubertatem illaesa mansit, primo coitu vulneratur atque consumitur. Tenerrima autem haec, et quasi temporaria tunica aliquando carnosae, tendinae, callosae vel cartilagineae existit, et neque in coitu, neque aliis ex iniuriis cedit, sed constantissime remanet, tuncque morbosam conditionem et atretae speciem constituit. Ideoque inter causas sterilitatis in feminis relata fuit hymenis constantia nimis diuturna, immo perpetua. Verum enim vero puellam panniculo virginali resistente ad matrimonium ineptam esse, in genere affirmandum non erit. Partim enim ille valvularum naturam habet, et non inepte cum pylori ^{b)} lamina comparari possit, ideoque mobilis erit, diversamque directionem admittet, partim a perspirabili rore, aliquando sanguine, madefactus et relaxatus facile vel expansioni cedit, vel ipse cum vagina dilatationem obtinebit. ^{c)} Id quod non sine probabilitatis specie dictum esse, elucescit maxime ex illa, omnibus, generationi inseruientibus, partibus communi quasi et insita ad dilatationem et expansionem dispositione, vltteriusque confirmatur historiis, quibus feminas, illaeso hymene impregnatas fuisse, accepimus.

VIRGINEM ex concubitu masculino concipere posse, non deleta virginitatis flore, esseque sine miraculo virginem et matrem, si illi viuenti excindatur infans, non solum PLEM-

b) Hymenem, tum formationis, tum positus ratione pyloro non abfimilem, eiusque marginem rugosum aut plicatum versus finem pudoris, vt pylorus versus Duodenum conuersum esse, monuit GÜNZIVS in Progr. de Vtero et naturalibus foeminarum p. 14.

c) Conf. PINAEVS de notis virginitatis L. 1. c. 6.



PIVS, *d)* BARTHOLINVS, *e)* vel si ad antiquiores respicere vellemus, AVICENNA *f)* arffimarunt, sed et fide digni Auctores eiusmodi obseruationes tradiderunt. Quas quidem omnes curiosius colligere nolumus, vnam alteramque modo, commemoracione prae reliquis dignam, saltem repetamus *g)*, non disquirentes, an illud, quo vaginae introitus occlusus fuit, hymen semper, an alia quaedam membrana fuerit, sufficiat, contra naturae ordinem, via hac minus aperta, impraegnatum fuisse vterum. Nonnulla, quae huc spectant, exempla commemorauit HILDANVS *h)*; et inprimis mentionem fecit puellae, quae conceperat, licet dura et callosa, ast foraminulis pertusa, membrana clausum fuerit matricis cololum, factaque huius incisione, foetum sexto mense edidit perfectum. Similem fere casum recensuit BLEGNY *i)* de foemina, quae propter orificium vuluae externum, a carne solida, in medio minore foramine pertusa, obduratum, sterilibus iudicata et a viro separata fuerat, postea vero concepit, et tempore partus adueniente, discissa per chirurgum carne, feliciter infantem emisit. Parturientem quoque se vidisse retulit FANTONVS, *k)* pariendi stimulis vehementer, ast frustra

d) Fundament. Medicinae Libr. 11. Sect. 5. cap. vltimo.

e) In Anatome quartum renouata p. 286.

f) Libr. 111. Fen. 21. Tract. IV. cap. 1.

g) Qui plures desiderat, adeat RIOLANVM in Anthropograph. L. 11. c. 31. BLANCARDVM in Eph. Nat. Cur. Cent. 111. Obs. 56. BORELEVVM in Hist. Med. Cent. 1V. obs. 26. MOENICHEN in Obseruat. n. 13. MAYRICEAV in Obs. sur la Grosseffe. Obs. 489. et 583. Conf. et SCHVIRIGII Parthenologia p. 302. seqq.

h) Obseruationum Cent. 111. Obs. 60. et 61.

i) In Zodiaco Medico gallico an I. p. 173.

k) In Anatome Diss. 1X. edit. Taurinens. p. 183.

stra sollicitatam, in cuius exploratione angustum pudendi meatum, tenuissimumque annulum inuenit Chirurgus, quo sectione remoto, infans erupit. Quo vero hanc rem eo magis confirmemus, historiam maxime, a Cel. RVYSCHIO ^{l)} notatam, eiusque verba repetamus: Rarum esse mulierem impregnari salua manente membrana hymene, idque ad tempus partus, aut rarissimum vaginam vteri tempore partus, membrana praeternaturali pone hymenem esse clausam, primum monuit, et sequenti casu illustrauit: Foemina in partu versans foetum edere non potuit, quantumuis conatus et labores partus essent adeo vehementes, vt clamoribus eius transeuntes detinerentur. Tandem me vocari iusserunt obsetrices, explorataque difficultatis partus causa, inueni hymenis membranam integram, crassam valde, et a foetus capite, exitum quaerente, foras extensam, eadem vero incisa, foetus exclusionem frustra expectaui propter alteram praeternaturalem membranam crassam, vuluam profundius claudentem, foetusque exitum impediens; peracta demum altera operatione viuus editus fuit foetus; Addidit denique Cel. Auctor epicrisin: priorem membranam ante grauiditatem adfuisse, et hymenem in coitu illaesium mansisse, alteram autem durante grauiditate ex morbo, excoriatione forte illarum partium, enatam, fuisse existimans. Huic commodum adhuc iungamus recentissime a Cl. BENEVOLI ^{m)} traditam historiam de parturiente, in qua non solum vagina vteri coarctata, immo quoad maximam partem coalita partum impediens, sed et aperta per chirurgum via alia quaedam membrana, orificio vteri praefixa conspiciebatur, qua demum dissecta

^{l)} In Obseruat. anat. chirurg. Cent. Obs. 22. p. 27.

^{m)} Vid. Obseruationes Chirurgicas italico sermone 1747. editas, quae germanice versae insunt *Sammlung chirurgischer Bemerkungen*, 2. Theil p. 16.

✻ ✻ ✻

dissecta atque remota partum edidit mater. An huius partus obstacula ante conceptionem iam adfuerint, an vero, ut altera RYVSCHIANA membrana, grauiditatis demum tempore nata, Cl. Auctor non commemorauit. Neque necesse videtur, ut in hanc rem studiosius inquiramus; effi enim aliquando, secundum RYVSCHII coniecturam, eiusmodi panniculi vel septi generatio in grauidis locum haberi defendique possit, non tamen sequitur, omnes de hymene in grauidis praesente vacillare historias, praecipue cum nemo fere ante partus tempus de eiusmodi membranae praesentia cogitauerit, vel morbum, ex quo enasci soleat, cognouerit. Quo itaque omnis dubitatio magis remoueatur, aliam porro obseruationem commemoremus. A medico namque, in rebus anatomicis satis exercitato, relatum accepimus, foeminam fuisse prima vice grauidam, quae variis morboris tentata symptomatibus quinto circiter mense immaturum edidit foetum, tandemque obiit, in cuius post mortem instituta disquisitione vaginam vteri, membrana sua tutelari munitam, atque sic in puerpera virginitalis signum integre conseruatam inuenerunt dissectores. Rem forte inauditam, creduli nimis, narramus; ast, si perpendimus partium quarundam, membranarum praecipue, expansionem insignem saepe ex morbo fieri, et in recensito casu ex morbo praegresso debilitatas multumque relaxatas ante abortum fuisse partes coniecimus, et denique cum GÜNZIOⁿ), hymenis marginem in naturali statu rugosum plicatumque, et versus sinum pudoris directum assumimus, non omni probabilitate destitui historiam, existimandum erit. Quo autem haec res, quae in medicina, praecipue forensi, magni momenti erit, extra omnem dubitationis aleam ponatur, Illustr. Berolinensium

Ana-

vid. supra not. b.

Anatomicum, qui secuit hanc puerperam, quique in thesauris suis anatomicis eiusdem genitalia, hymene ornata, hucusque conseruauit, vehementer rogamus, velit rarissimum hunc casum, et quae de hymene post puerperium praesente obseruauit, ipse exponere, nostram, minus complemam, narrationem perficere, atque de singulari hoc naturae muliebris phaenomeno physicos conuincere.

FEMINARVM autem naturalia non aliqua tantum parte copulantur et coarctantur, sed et quandoque morbofo uelamento integre obducuntur prorsusque clauduntur. Id in utero materno plerumque accidit; ast pro diuersa sede atque morbi loco maxime variat, et nunc citius nunc tardius in natis puellis obseruatur. Uteri ipsius orificium si oclusum est, urinam et proeuctiori aetate sanguinem menstruum excernere, optimaque frui valetudine poterit femina; ideoque eiusmodi morbum adesse vix cognoscimus, occultamque sterilitatis causam post mortem demum inuenire possumus; prout inter alia, illud, a BOENNEKENIO ^o) de femina menstruata, quadragesimo aetatis anno mortua, orificium uteri internum densa pellucidaque membrana obductum, in sectione exhibente, notatum exemplum, declarat. Grauiora vero symptomata producit praeternaturalis haec conditio, si pudendi vestibulum occupauit; eademque vel propter denegatum urinae effluxum statim post natiuitatem cognoscitur, vel ubi haec excretio impedita non est, proeuctiori demum aetate, denegato sanguinis menstrui stillicidio animaduertitur. In utroque casu verae sunt atretae, ad concubitum prorsus ineptae, vnicumque solatium ac remedium in chirurgica operatione inueniunt. Haec facili quidem nego-

B

tio

^o) vid. *Fränkische Sammlungen VI. Band p. 394.* Alia exempla collegit SCHVRIGIVS in *Muliebr.* p. 224.

tio vt plurimum instituitur, aliquando tamen non sine difficultate, immo plane non exerceri potest. Si enim tenuis membrana opponitur, facillime scalpello eadem remouebitur, si vero, vt HEISTERVS ^{p)} bene monuit, coalitus est fortis et profundus, adeoque ope crassae substantiae carneaе, difficulter curatur, et facile vesica ac intestinum rectum laedi potest; hinc etiam Cl. ROONHVSIVS, qui plura eiusmodi imperforatarum exempla commemorauit, curationemque descripsit ^{q)}, se in operatione aliquando adiacentes partes vulnerasse, libere fassus fuit. Plerumque tamen res bene succedit, et prout in parturientibus panniculus, foetus exitum praecludens, scalpello remotus fuit, ita et in virginibus adultioribus, multoque facilius iunioribus, coalita pudenda aperta, viaeque illae patulae factae fuerunt. Optimo successu institutae huius operationis exempla hinc inde deprehendimus ^{r)}, et inter recentiores eiusmodi de puella octodecim annorum suis obseruationibus inseruit BENEVOLI ^{s)}; aliudque nuper admodum, de virgine annorum fere 26. commemorauit Cl. SANNIE ^{t)}, cuius orificium vaginae exter-

^{p)} Chirurg. Part. II. Sect. V. c. 46. cum quo etiam consentit PLATNERVS, scribens: si caro pudendum repleuit, idque protinus in vtero matris euenit, malum saepe nullam curationem recipit. vid. Chirurg. edit. lat. §. 1442.

^{q)} vid. Eius *Chirurgische Heilcuren* p. 112. sqq.

^{r)} Conf. BENIVENIUS de abditis morborum causis cap. 28. SCHENCKII Obseruat. medicar. Lib. IV. obs. 12. sqq. SENNERTI Institut. Medic. L. V. P. I. Sect. 2. cap. 7. FRANCKENAV Satyr. Med. p. 20. BECKERI Παιδοχτονια inculpata ad seruandam puerperam Gissae 1729. edit. MECKREN Obseruat. Chirurg. et alii, Collegit nonnulla SCHVRIGIVS in Muliebr. p. 177.

^{s)} loc. cit. part. 2. p. 1.

^{t)} In Commentariis Societatis Harleimensis, belgico sermone editis Part. V. p. 424. similem fere casum NABOTHVS quoque obseruauit in virgine, cuius

num membrana coerulescente, hinc inde nigricante et glabra, ab anteriore ad posteriorem partem sex longa, ab uno labiorum ad alterum tres lata pollices, antrorsumque extra labia quodammodo prominente clausum erat, abdomine valde tenso et tumido, vesica aeque ac vagina multum quoque expansis; membranae sectione sine ullo fere virginis dolore instituta, magna sanguinis, per septem et plures annos in vagina collecti, copia effluxit, breui deinceps tempore conualuit aegra, mensiumque fluxu consecuta, matrimonium iniit, et prolem in lucem edidit. Felicem eiusmodi curationis successum exoptamus etiam Atretae, quae Clarissimi nostri Candidati auxilium implorauit. Et cum accurate conscriptam huius morbi historiam nobis communicauerit, eandemque ad commendationem Eius multum conferre posse, merito existimemus, prioribus illam apponere, integramque hic repetere voluimus.

RUSTICA puella decem et septem annos nata, uenustate pariter ac corporis proceritate insignis, catameniorum fluorem nondum experta est, satis tamen laete ualuit, usque dum, florido corporis habitu in hippocraticum mutato, in languorem cachecticum incidit, dolet caput, appetitus profertur, pondus grauium extremitates obsidet inferiores, palpitat cor, symptomata, mensium defectu laborantes feminas, uirginesque chlorosi affectas, ut plurimum infestantia, quae de die in diem exasperata in paroxysmi speciem degenerarunt, singulis viginti quatuor horis, meridiem versus recurrentem summe dolorificam. Oriuntur nimirum eo tempore tensiones acutissimae in regione epigastrica ad pudoris sinum

B 2

defle- cuius omnem orificii vaginae circumferentiam membrana praeternaturalis occupauerat, et quia menstrua exitum non inuenirent, cauitate abdominis insigniter distenta laborauerat, facta autem incisione notabilis humoris, loturae carnis similis, copia effluxerat. vid. Diss. de sterilitate mulierum §. 4.

deflectentes; inflatur abdomen, et cruciatus exquisitissimi in ipsa vagina sentiuntur, qui paucis abhinc septimanis primum, sine quadam evidenti praegressa causa, aegram inuaserunt, et nunc hanc paroxysmi speciem sistunt. Quos tamen vltimus perferre nolens aegra meum implorat auxilium. Parentes tamen genuinae harum afflictionum causae ignari emmenagogum exoptant, quod ipsis etiam satis lene exhibetur. Dolores inde exacerbantur, et per ipsum muliebrem sinum aliquid prorumpere velle conqueritur aegrotata, haud secus ac si prolapsus accidere deberet. Vltimi praecipue symptomatis recensioe percepta, haec omnia ipse scrutandi me incescit cupido. Tumor erat, qui totam exacte praecludebat vaginam ad eius vsque orificium, adeo, vt nedum setam porcinam intromiseris, satis durus et tangenti digito renitens, incipiens statim supra vrethrae limbum in ea circumferentia, cui agglutinatur in naturali statu hymen, quem tamen dignoscere non licebat, siquidem, vt auguror, cum tumoris basi tam arcte concretus, vt vnum idemque corpus cum illo efficiebat, quod omnem recusans in vaginam introitum, aegram perfecte atretam reddebat. Satis tamen tenax, quin aponeurotica videbatur externe humorem inuestiens, pro hymene habita membrana. Tumoris vero, qui diductis labiis illico conspicebatur et contrectabatur, volumen metiri non poteram, nisi quatenus in epigastrio, per integumenta abdominalia, statim supra synchondrosin ossium pubis sese manifestabat, ambitus globi minoris, conorum lufibus accommodati, radicem quasi dimittendo in iliacam regionem sinistram, laquei instar tensi. Cum ipso eo tempore accedebam, quo tumor magis versus sinum vrgebatur, dolores vero tensionesque erant intensissimi, rem satis examinari non posse, facile perspexi, sed fomentationes potius ex herbis emollientibus, itidemque cataplasma

ma calidum parti abdominis dolenti applicare curavi, quorum usu dolores citius ac alias miteſcebant. Altero mane reuerſus, vix tamen rerum faciem mutatam deprehendi, niſi quod, quem demiffiori loco conſpexeram tumorem, nunc altiora paullo petiſſe animaduertentem, aeque tamen renitebatur, et dolores ciebat intolerabiles, dum leni adhibita vi illum ambire, et vaginae introitum quaerere volui. Simul qui aderat Chirurgus, palma abdomini impoſita, fluctuationem in tumore detegere ſibi perſuaſit, me nihil eorum percipiente. A primo intuitu vix aliquid mutatum apparebat externe, praeter labium pudendae ſiniſtrum, quod pauliſper tumebat, mammae nec turgidae nec durae erant. *Hactenus Ille.*

PRAETERNATURALI hac parrium conformatione cognita, ſolliciteque conſideratis omnibus, quae puella hactenus perpeſſa fuit, ſymptomatibus, triſtem euentum facile praedixit, atque operationem omni modo ſuaſit Clar. Candidatus. Renitebatur autem et puella et eius mater diu, donec tandem praedudicatis opinionibus per Excell. Collegam Doct. LANGCVTHIVM meque ipſum diſpuliſ, feliciffimoque euentu certiffime promiſſo, permittebant, vt dexterrimus huius ciuitatis Chirurgus, Dn. GLEISBERG, nobis praefentibus, manum admoueret, et quae perfecte clauſa erant naturalia ſcalpello aperiret. Diſciſſa itaque per longitudinalem, a ſuperiori, vrethrae proxima, parte ad inferiorem deductam ſectionem, membrana craſſa, quam carnem pene dicere poſſes, magna ſtatim denſiffimi, fere coagulati, hepatici coloris, non tamen foetidi, effluxit ſanguinis copia, tres facile libras pondere ſuperans, ſimulque abdomen, vel potius vterus, antea inſigniter a contento cruore expanſus, euidenter decreuit, et breui tempore naturalem quali diametrum obtinuit.

Quo



Quo vero omnis in haec caua effusus sanguis euacuaretur, iniectiones emollientis decocti et nunc et sequentibus diebus per apertam portam instituit Chirurgus, turundisque ex radice Althaeae factis, et secundum artis regulas immixtis confirmatisque, ora vulneris magis atque magis a se inuicem separauit, nouamque consolidationem feliciter auertit. Ita ex connato morbo demum conualuit puella, quinta post operationem die, scilicet 13. Decembr. a. c. Chirurgi domum reliquit, et quae,

Iam matura viro, iam plenis nubilis annis, nuptias inire non potuerat, solutis nunc vinculis foecunda esse poterit mater. Verum hic subsisto, meque potius ad id conuerto officium, cuius causa haec prolusio instituta fuit; Publica enim commendatione dignam iudicamus egregiam, quam in medicina addiscenda adhibuit, industriam

VIR NOBILISSIMVS ET DOCTISSIMVS
IOHANNES GVILIELMVS FRIDERICVS KÜHNIVS,
MEDICINAE CANDIDATVS DIGNISSIMVS

qui vitae suae atque studiorum rationes sic nobis Ipse exposuit:

*Ego, IOANNES GVILIELMVS FRIDERICVS KÜHN
almam hanc lucem primum aspexi Iutrebogae prid. Cal. Aug.
Anno MDCCXLIII. Pater mihi contigit Godofredus Fri-
dericus Kühn, Chirurgus ibidem et Balneator, mater autem
Sophia Elisabetha, ex gente sacerdotali Redslobia, quam
mibi,*

mibi, probo dolor! praematuro mors nimis cito eripuit. Qui cari parentes omnem adhibuerunt operam in me educando, et animum ceraceum, cuiuscunque generis impressiones facile suscipientem, optime formando. A tenerrima enim aetate me institutione priuata erudiri curarunt, donec in eo essem, ut scholam oppidanam frequentarem, priuatas lectiones semper retinendo. Rectorem habui B. Hoffmannum, ex cuius instructione multum utilitatis percepi, Correctores B. M. Weidlerum et M. Wildium, Diaconum nunc apud Niemecenses meritissimum, ex cuius solida doctrina, aptaque docendi methodo me plurima profecisse, gratus recordor. Neque minus debeo lectionibus ex ore suauissimo, Schernbaueri, Cantoris in patria vrbe longe aestumatisissimi meritissimique, perceptis, qui puerilem tunc temporis animum, comi, qua pollet, seueritate diligentissime erudiuit. Laudabili quoque opera, scientiam meam ditandi, allaborauit M. Schenckius Collega scholae III. Quorum omnium vix satis laudandorum Virorum in me merita memoriamque eorum sacram vsque seruabo. Iactis scientiarum fundamentis generalioribus, ad altiora animum composui, et patriis penetibus relictis, inelytam, quae Virebergae floret, musarum sedem adii Anno MDCCLXII. Mense Octobr. ciuibus academicis antea iam iam, die scilicet III. mens. Febr. adnumeratus, Rectore Magnif. D. Boehmery, Praeside nunc Grauissimo et Patrono ad cineres vsque pie colendo. Singulari autem ductus ardore artem salutarem addiscendi, Medicorum longe Clarissimorum Scholis publicis aequae ac priuatis interfui. Ex locupletissimo eruditionis penu Illustris et Venerandi Senis nostri Trilleri, priuata et publica colloquutione, multa egregia hausi. Excellentissimus Langguth, facunditate ac doctrina pariter insignis, fidelissime mibi tradidit Pathologiam, utramque Therapiam, Chirur-

giam


giam, Medicinam forensem, Artemque obstetriciam. Excellentissimus vero Boebmer, Vir solidissimae eruditionis miraeque assiduitatis, Anatomiae partes quasdam et in cadauere demonstravit, porro, pro more suo, succincte et docte, Physiologiae principiis, reiterata vice explicatis, Materiae deinde medicae, et singulis aestatibus Botanices dogmatibus animum amplissimam hausit utilitatem. Excellent. Titius Vir indefessi studii, cuius longe lateque patet laus, utramque me docuit Physicam, theoreticam atque experimentalem et Logicam. Ex disertis ore Excellentissimi, Meritissimi Hilleri, Viri profundissimae doctrinae, summaeque existimationis, omnem percepi Philosophiam theoreticam, aequae ac practicam. Sacra quaedam reuerentia, pectus meum occupans, quotiescunque tantorum Virorum nomina pronuncio, verba, quibus in eorum debitas laudes excurrendum foret, absorbendo, pium ori imperat silentium. Tanta enim tamque innumera in me eorum sunt benefacta, quae commemorare tantum, non vero satis dignis efferre possum laudibus. Permittatis igitur Excellentissimi Viri, ut votis ardentissimis, pro sempiterna incolumitate Vestra, fusus, tacite Vos venerer. Discendi autem cupiditas, quinquennio in hac Academia completo, Argentinam petere me compulit. Per annum ibi commoratus, Anatomem uniuersam, in publico Germanorum theatro, ab Excellentiss. Pfessingero, rerum anatomicarum peritissimo, et mirandae industriae, demonstratam accepi, ipsisque cadauerum sectionibus manus diligenter admoui, a laudato Professore singulariter adiutus. Cuius in me benefacta praestitaque humanitas, qua me non hospitio solum lubentissime excepit, verum omnis etiam generis fauoribus, largo cumulo ornauit, quos neque laudibus satis exprimere, neque gratibus decenter repen-

rependere valeo. Nec non accuratissimae demonstrationes ingeniosissimi et exercitatissimi Lobsteinii, Anatomiae nunc Professoris Ord. eximiam mihi praesliterunt utilitatem. Operationes quoque chirurgicas, duce Clariss. Pfeffingero, in defunctis ipse administraui, quarum tamen plures et in Nosocomio gallico obseruare licuit. Excellentiss. deinde Weigen, obstetricans ciuitatis medicus, Vir amplissimae experientiae, famaeque satis diffusae, artem obstetriciam fidelissime mihi exposuit, meque eandem ad eius manuuctiones exercere docuit. Ut denique in praxi quoque proficerem, Xenodochium oppidanum quotidie visitando, institutione prae primis Doctiss. Ebrmanni iunioris, Medici xenodochici et Practici apud Argentinenenses felicissimi, sum usus. Aureas etiam collegi Praeaeos regulas, quoties Excellentiss. Spielmann, rerumque medicarum omnis generis peritissimus Ebrmann pater, Nosocomium intrarunt. Neque iter meum sine omni fructu esse volui, deflexionibus ergo hinc inde factis, plures nobilissimas vrbes, inclytas satis Academias, Virosque in arte Clarissimos, vidi et visitaui, quod mihi multum profuit, occasionem mihi subministrando, varia antiquitatis monumenta, bibliothecas egregias, rerumque naturalium curiosissimarum, artificiosissimarum, et memoratu dignissimarum numerosas collectiones obseruandi. Ex itinere tandem redux, gratiosum Academiae huius medicorum ordinem sollicitaui, ut ad Carbedram me beneuole admitterent, quibus humanissimis precibus annuere baud dedignati sunt.


Ita scientia atque peritia instructus Facultati nostrae desiderium modefte exposuit, summosque in Arte Salutari honores petiit. Exploratis ergo antea, in Examine cum Ipso instituto,

QK Tu 243
18

tuto, Eius profectibus, dignus omnino inuentus fuit, cui
aditus ad summos honores acquirendos aperiretur. Hinc dis-
putationis inauguralis de *Causis utrum impraegnatum disten-*
dentibus, habendae Ipsi facta est copia, quam totam Auctor
conscripsit, et me moderatore d. xxii. Decembr. publice ven-
tilabit. Cui solemnī actui, VI RECTOR ACADEMIAE MA-
GNIFICVS, ILLVSTRISSIMVS COMES, PERILLVSTRIS
LIBER BARO, ACADEMIAE PROCERES, FAVTORES,
GENEROSI AC NOBILISSIMI LITTERARVM STVDIOSI
frequenter interesse velint, omnes ac singulos obseruan-
tissime et humanissime rogamus atque
inuitamus.



P. P. Domin. IV. Aduent. A. R. S. MDCCLXVIII.




EX OFFICINA GERDESIANA.



X2346609

21





IS MEDICI
A VVITTEBERGENSI
DECANVS
DOLPHVS BOEHMER

.ANAT. ET BOTAN. PROF. PVBL.
YSIC. PROVINCI.
RIN MEDICAM

MBR. A. R. S. GLD CCCLXVIII

NDAM INDICIT

DE
FEMINARVM CLAVSIS
AM PRAEFATVS.

